



Universitätsbibliothek Paderborn

**Avla ... Thesavorvm Dei In Passione D. N. Iesv Christi
Effusorum ad Resvrrectionem Mvltorum**

Eyschen, Georg von

Coloniæ, 1656

§. 153 [i.e. 253]. Qui & ipse erat expectans regnum Dei. v. 43.

urn:nbn:de:hbz:466:1-45533

Deus meus gaudeo & exulto, quod sim in illa ecclesia in qua omnes Fe-
riæ sextæ toto anno tuae sanctæ mortis & passionis memoria sunt infi-
gues, tum decantatione Missæ de cruce vel passione, tum Tenebrarum,
tum abstinentiæ ac pœnitentiæ assumptione, non est hoc memoriale apud
profanos, qui se dicunt Euangelicos, & non sunt, non præparant illi se per
pœnitentiam, per moralem mortem seu mortificationem ad quietem &
sabbatum æternum.

§. 252. *Venit Ioseph ab Arimathia nobilis decurio. v. 43°*

Quis Ioseph? non Ioseph Mariæ Virginis sponsus Nazareus, sed Ar-
imathia natura ortus. Ioseph, non faber, sed Decurio; non plebeius, sed
nobilis.

Habet, ô Deus, Ecclesia tua, quod & tu habuisti in vita, ignobiles, &
nobiles, habet pauperes & habet diuites, habet plebeios & habet ex-
cellentes, quia complectet omnes, & te tua Ecclesia imitatur. In hac no-
bilissimam etiam humilia subeunt officia, quia spiritus tuus humilitatis eos
regit. Apostatarum autem congregationem spiritus superbiæ inflat, non
estibi videre principes humiliatos ad lacernam, ad sepulturam pauperum
& derelictorum. in tua Ecclesia autem sunt Gallicani, sunt innumerabiles,
qui pauperum pedes lauant, ministrant, etiam iphi Pontifices Romani.

§. 153. *Qui & ipse erat expectans regnum Dei. v. 43°*

Quomodo expectans regnum Dei? quia reliquerat Iudaismum,
& suscepserat legem Christi; quia se fecerat discipulum etiam ex 72. vnum,
quia opera pia intentione Christiana faciebat Christo & proximo, ideo-
que ex prædicatione Christi expectabat regnum Dei post resurrectionem
Domini inchoandum, in ascensione ad cœlos consummandum, in hac fide
& spe Christi corpus de cruce positum illud, periit à Pilato Prælide, auda-
cer sibi donari.

Domine, video quod iste Decurio non fuerit Reformatæ religio-
nis, qui purauerit satis sibi esse ad salutem credere, sed etiam ex-
pectabat regnum Dei. & non solum expectabat, sed etiam laborabat
pro eo obtinendo, sumpsit audaciam, petiit arduam rem, mortificauit re-
putationem humanam, per opera ostendit fidem suam. Bonus Ioseph, qui
sic accrescit.

Deus bone, da ut in spiritu hunc virum repræsentrem qui ab augmen-
to nomen habet, ut & ego quoad vixero in virtutibus progressum faciam.
Attendam mane & vesperi sine intermissione ad passionem tuam quo-
semper

semper tuæ benedictæ passionis memoriam agam, & sic per fidem & spem
& caritatis opera constans corā te, & omnibus hominibus inueniar ut cor
meum tecum concordet, & conuersatio mea sit pia, & sine querela inter
homines. Tunc merebor tuus esse discipulus genuinus.

§. 254. Et audacter introiit ad Pilatum. v. 43.

Se posito respectu nobilitatis suæ & officij sine tergiuersatione, sine
metu oblocutionum & Iudæorum æmulantiū comminatione contendit
Spiritus S. gratia ad Pilatum, ut tempestiue Christum mortuum anteim-
tium festi sepelire posset.

Tu igitur Christiane si cupis esse Christi discipulus negleci hominum
iudicijs quando Dei iudicio contrariantur, soli Deo placere stude,
qui currunt in stadio illorum solum iudicia curant qui daturi sunt pri-
mia, ita & tu age, dilece non curare laudes aut vituperia hominū Deo con-
trariorum, totis viribus enītaris ut illi placeas, & obsequium præstes tuo lu-
dici. Perdes oleum & operam, si curiosius obserues hominum dicta. Tu
autem Saluator concede ut perpetuo gratus sim tibi ut morem geram vo-
luntati tuæ, quia reliqua omnia sunt vanitas maxima & afflictio spiritus.

§. 255. Et petiit corpus Iesu. v. 43.

Quam sunt disparaia hominum Iudicia de eadem re! Illud corpus,
Reges ex oriente & alij innumeri adorarunt. Iudas utem xxx. argenteis
vendidit, Iudæi & flagellarunt & conspuerunt, & cruci affixerunt. Videntes
plerique exhorruerunt, at Ioseph, nobilis homo & diues petiit.

OIoseph, optime fecisti. Tu dignitatem huic corpori ad modicum ab-
latam restituisti, quando illud tam honoratus & diues expetiisti. Pro-
pter hoc æterna gloria, æterno regno dignus euasisti. Utinam & ego corpus
hoc in communione sæpe magno desiderio expetam, quod Calvinistæ
culat, Capharnaitam scandalizat.

§. 256. Pilatus autem mirabatur si iam obiisset. v. 44.

Merito mirabatur quia non viderat, quæ in eo fecissent, quorum vo-
luntati eum tradiderat, quomodo eum flagellasset ultima vice & coro-
nasset & cruce baiulanda vexassent, & quomodo eum sibi vexassent &
contumelijs plane ad infernum depressoient.

OTerrarum & hominum Domini, vos aliquando deberetis prospicere
in carcere, in ergastula, in officinas, in angarias, in rationum libros,
& iplos subditos visitare, tunc videretis multa quæ ignoratis, & quorum
particulam audientes miramini. Esset miseris oppressis solatio magno si
scirent